

গণপ্রজাতন্ত্রী বাংলাদেশ সরকার
কাস্টমস বন্ড কমিশনারেট
৩৪২/১, সেগুনবাগিচা, ঢাকা।

নথি নং-৫(১৩)১৯/বন্ড কমি:(সদর)/স্থায়ী আদেশ/২০০২/

তারিখ-১৩/১০/২০০৯

স্থায়ী আদেশ নং-১/২০০৯

তারিখ-১৩/১০/২০০৯

বিষয় : শতভাগ রপ্তানিমুখী (সরাসরি ও প্রচ্ছন্ন) শিল্প প্রতিষ্ঠানের বন্ড সংক্রান্ত বিভিন্ন কার্যক্রম সম্পাদনের লক্ষ্যে আবশ্যিক দলিলাদি সম্পর্কিত আদেশ।

কাস্টমস বন্ড কমিশনারেটের নিয়ন্ত্রণাধীন বন্ড লাইসেন্স প্রাপ্ত শতভাগ রপ্তানিমুখী (সরাসরি ও প্রচ্ছন্ন) শিল্প প্রতিষ্ঠানের বন্ড সংক্রান্ত বিভিন্ন কার্যক্রম সুষ্ঠুভাবে সম্পাদনের লক্ষ্যে উল্লিখিত বিষয় সংক্রান্ত এ দপ্তরের পূর্বকার সকল আদেশ বাতিলপূর্বক প্রতিটি কার্যক্রমের জন্য যে সকল দলিল আবশ্যিক নিম্নে তা কার্যক্রমভিত্তিক উল্লেখ করা হলো। আলোচ্য ক্ষেত্রে বন্ড লাইসেন্সধারী শিল্প প্রতিষ্ঠান কর্তৃপক্ষ সংশ্লিষ্ট কার্যক্রমের জন্য আবশ্যিক দলিলাদির সত্যায়িত কপিসহ নিজস্ব প্যাডে যথাযথ মূল্যমানের কোর্ট ফি যুক্ত আবেদন যথোপযুক্ত কর্মকর্তার বরাবরে দাখিল করবেন। প্রাপ্ত আবেদন এ দপ্তর কর্তৃক জারীকৃত সিটিজেন চার্টারে উল্লিখিত সময়সীমার মধ্যে নিষ্পত্তি করতে হবে।

১। মালিকানা পরিবর্তন

- (ক) মালিকানা পরিবর্তন বিষয়ে কোম্পানির বোর্ড মিটিং এর সিদ্ধান্ত;
- (খ) বিনিয়োগ বোর্ড অনুমোদিত পরিবর্তিত মালিকানা কাঠামো;
- (গ) জয়েন্ট স্টক কোম্পানী অনুমোদিত ফরম-XII ও ১১৭;
- (ঘ) যথাযথ মূল্যমানের নন জুডিশিয়াল স্ট্যাম্প নোটারিকৃত নতুন মালিকগণের নাম, পিতার নাম, পদবী, বর্তমান ও স্থায়ী ঠিকানা, নমুনা স্বাক্ষর, ছবি এবং পূর্বের এবং পরবর্তীকালে উদ্ধৃত দায়-দেনা বহনের অঙ্গীকারনামা;
- (ঙ) নতুন আগত পরিচালকদের জাতীয়তা সনদপত্র অথবা পাসপোর্টের কপি;
- (চ) লিয়েন ব্যাংকের অনাপত্তিপত্র ও ব্যাংক কর্তৃক নতুন মালিকদের বন্ড সম্পাদনের সক্ষমতার বিষয়ে প্রত্যয়ন পত্র;
- (ছ) নতুন মালিকগণ কর্তৃক ১০০০/- টাকার নন-জুডিশিয়াল স্ট্যাম্প ৩ (তিন) কোটি টাকার জেনারেল বন্ড (ধারা-৮৬ অনুযায়ী); এবং
- (জ) মেয়াদ থাকলে জেনারেল বন্ডের প্রতিস্থাপন, মেয়াদ না থাকলে নতুন জেনারেল বন্ড ইস্যুকরণ।

২। কারখানা স্থানান্তর

- (ক) কারখানা ভাড়ার চুক্তিপত্র অথবা মালিকানা দলিলের সত্যায়িত কপি;
- (খ) লে-আউট প্ল্যান এবং কারখানার অনুমোদিত নকশা;

(গ) ট্রেড লাইসেন্স;

(ঘ) সংশ্লিষ্ট সমিতি অথবা চেম্বারের সুপারিশ পত্র; এবং

(ঙ) লিয়েন ব্যাংকের অনাপত্তিপত্র।

(চ) কারখানা স্থানান্তরকালে মেশিনারি, কাঁচামাল ও উৎপাদিত পণ্যের কোনরূপ ক্ষয়ক্ষতি হলে তার দায়-দায়িত্ব বন্ডার বহন করবেন এই মর্মে যথাযথ মূল্যমানের নন-জুডিশিয়াল স্ট্যাম্প অঙ্গীকারনামা।

উল্লিখিত দলিলাদিসহ আবেদন পাওয়ার ৭(সাত) দিনের মধ্যে কারখানা সাময়িক স্থানান্তরের অনুমোদন দেওয়া হবে। সাময়িক স্থানান্তর অনুমোদন প্রাপ্তির পরবর্তী ২(দুই) মাসের মধ্যে কারখানা চূড়ান্ত স্থানান্তরপূর্বক নিম্নোক্ত দলিলাদিসহ আবেদন করে চূড়ান্ত স্থানান্তরের অনুমোদন নিতে হবে।

(ক) নতুন ঠিকানা সম্বলিত ভ্যাট রেজিস্ট্রেশনের কপি;

(খ) নতুন ঠিকানা সম্বলিত আইআরসি ও ইআরসি-র কপি;

(গ) নতুন ঠিকানা সম্বলিত আয়কর সনদপত্রের কপি;

(ঘ) বিনিয়োগ বোর্ডের সংশোধিত নিবন্ধন পত্রের কপি;

(ঙ) নতুন ঠিকানায় ফায়ার লাইসেন্সের কপি; এবং

(চ) নতুন ঠিকানায় বিদ্যুৎ অথবা জেনারেটর সংযোগ সংক্রান্ত প্রত্যয়নপত্র;

উল্লিখিত দলিলাদি দাখিলের পর বন্ড অফিসার প্রতিষ্ঠান সরেজমিনে পরিদর্শনপূর্বক একটি প্রতিবেদন দিবেন। প্রতিবেদনে দলিলাদি এবং স্থাপনা যথাযথ থাকলে চূড়ান্ত স্থানান্তরের অনুমোদন দেয়া হবে।

৩। জেনারেল বন্ড সম্পাদন

১০০০/- (এক হাজার) টাকার নন-জুডিশিয়াল স্ট্যাম্প লাইসেন্সিং রুলে উল্লিখিত পরিমাণ অর্থের বন্ড যাতে পরিচালকদের স্বাক্ষর লিয়েন ব্যাংক কর্তৃক সত্যায়িত থাকবে। এইরূপ বন্ডসহ আবেদন প্রাপ্তির পর নথি পর্যালোচনাপূর্বক প্রচ্ছন্ন রপ্তানিকারক প্রতিষ্ঠানের বন্ড লাইসেন্স নবায়ন থাকলে ১(এক) বছরের জন্য জেনারেল বন্ড এবং সরাসরি রপ্তানিকারক (নীট, ওভেন ও সুয়েটার প্রস্তুতকারী) প্রতিষ্ঠানসমূহের ক্ষেত্রে নিম্নবর্ণিত ক্ষেত্রসমূহে ৩(তিন) বছর মেয়াদী জেনারেল বন্ড সম্পাদন করা যাবে, যথা:-

“(i) যে সকল প্রতিষ্ঠানের অডিট (Audit) কার্যক্রম হালনাগাদ আছে;

(ii) অডিট (Audit) সংক্রান্ত সমুদয় দলিলাদি জমা প্রদান করা হয়েছে; কিন্তু লোকবলের স্বল্পতার কারণে শুদ্ধ কর্তৃপক্ষ অডিট (Audit) কাজ সম্পন্ন করতে পারেননি। অর্থাৎ সংশ্লিষ্ট শিল্প প্রতিষ্ঠানের কোন অসহযোগিতা ছিল না এরূপ ক্ষেত্রে Audit দু’ বছর বাকী থাকলে;

(iii) গত তিন বছরের মধ্যে দু’বছর অডিট (Audit) সম্পন্ন রয়েছে, কিন্তু অডিট (Audit) এর জন্য তৃতীয় বছরের সকল আনুষঙ্গিক দলিলাদি জমা দেয়া হয়নি;

- (iv) যে সকল প্রতিষ্ঠানের অডিট (Audit) দুই বছরের অধিক সময়ের জন্য অনিষ্পন্ন রয়েছে এবং সমুদয় দলিলাদি জমা দেয়া হয়নি সে সকল প্রতিষ্ঠানের ক্ষেত্রে ৩(তিন) মাস সময়ের জন্য সাধারণ বন্ড সম্পাদন করা যাবে। Audit এর জন্য সমুদয় দলিলাদি উক্ত ৩(তিন) মাসের মধ্যে জমা দেয়া না হলে উক্তরূপ সীমিত সময়ের জন্য সম্পাদিত সাধারণ বন্ড বাতিল করা হবে। উক্ত সময়ের মধ্যে গ্রহণযোগ্য কারণে নিরীক্ষা সম্পন্ন না হলে আরও ২১(একুশ) দিনের জন্য সাময়িক জেনারেল বন্ড দেয়া হবে; এবং
- (v) আমদানি রপ্তানি কার্যক্রম অব্যাহত রাখার জন্য জেনারেল বন্ডের মেয়াদ শেষ হওয়ার ১০ (দশ) দিন পূর্বে নতুন জেনারেল বন্ডের জন্য আবেদন দাখিল করা যাবে।”

৪। অডিট

- ক) নির্ধারিত ছকে লিয়েন ব্যাংক কর্তৃক প্রত্যয়িত বার্ষিক আমদানি-রপ্তানি কার্যক্রমের বিবরণ;
- (খ) বাংলাদেশ ব্যাংক নির্ধারিত ফরমেটে লিয়েন ব্যাংক কর্তৃক প্রত্যয়িত নিরীক্ষা মেয়াদের পিআরসি;
- (গ) স্থায়ী আস্তঃ বন্ড স্থানান্তরের বিবরণ (যদি থাকে);
- (ঘ) পাশ বই;
- (ঙ) নিরীক্ষা মেয়াদে আমদানিকৃত পণ্যের এলসি (MLC/BBLC), বিল অব এন্ট্রি, ইনভয়েস, বিএল/এয়ারওয়ে বিল/ট্রাক চালান;
- (চ) নিরীক্ষা মেয়াদে রপ্তানিকৃত পণ্যের বিল অব এক্সপোর্ট, ইনভয়েস/ইনভেন্ট, বিএল/এয়ারওয়ে বিল/ট্রাক চালান, এক্সপোর্ট জেনারেল মেনিফেস্ট (প্রযোজ্য ক্ষেত্রে কাস্টমস বন্ড কমিশনারেট সংগ্রহ করে নিবে), ইউডি/রপ্তানি আদেশসমূহের মূল কপি;
- (জ) বিজিএমইএ/বিকেএমইএ কর্তৃক প্রদত্ত ইউডি স্টেটমেন্ট।
- উল্লিখিত দলিলাদির ভিত্তিতে কাস্টমস বন্ড কমিশনারেট নির্ধারিত ফরমেটে অডিট সম্পন্ন করবে।

৫। স্থায়ী আস্তঃ বন্ড স্থানান্তর

- (ক) যথাযথ মূল্যমানের নন-জুডিশিয়াল স্টিম্প সংশ্লিষ্ট প্রতিষ্ঠানসমূহের মধ্যে সম্পাদিত চুক্তিপত্র;
- (খ) কাঁচামাল প্রদানকারী প্রতিষ্ঠানের স্থানান্তরতব্য কাঁচামাল আমদানির দলিলাদি, যেমন ব্যাক টু ব্যাক এলসি, ইনভয়েস, বিএল/এয়ারওয়ে বিল/ট্রাক চালানের কপি, বি/ই, ইউডির কপি;
- (গ) লিয়েন ব্যাংকের অনাপত্তিপত্র;
- (ঘ) কাঁচামাল গ্রহণকারী প্রতিষ্ঠানের এলসি/সেলস কন্ট্রাক্ট, ব্যাক টু ব্যাক এলসি, প্রোফরমা ইনভয়েস, ইউডি, ক্রয় আদেশের কপি।
- (ঙ) স্থায়ী আস্তঃ বন্ড স্থানান্তরতব্য কাঁচামালের নমুনা;
- (চ) বিজিএমইএ/বিকেএমইএ এর সুপারিশ; এবং

(ছ) স্থানান্তরকালে পণ্যের কোনরূপ ক্ষয়ক্ষতি হলে তার দায়-দায়িত্ব আন্তঃবন্ড গ্রহণকারী প্রতিষ্ঠান কর্তৃক বহনের রিক্স বন্ড। এক্ষেত্রে নিম্নবর্ণিত শর্তে স্থায়ী আন্তঃ বন্ড স্থানান্তর অনুমোদন দেয়া যাবে।

শর্তসমূহ

ক) যে কাস্টম হাউস/স্টেশনের মাধ্যমে স্থানান্তরতব্য কাঁচামাল আমদানি হয়েছে সেই কাস্টম হাউস/স্টেশনে বা নিকটতম কাস্টম হাউসে রক্ষিত উভয় প্রতিষ্ঠানের পাশ বইয়ে অথবা কাস্টমস বন্ড কমিশনারেটে রক্ষিত পাশবইতে উক্ত স্থানান্তরের তথ্য লিপিবদ্ধ করিয়ে নিতে হবে; এবং

খ) স্থানান্তরতব্য পণ্য রপ্তানির সপক্ষে পিআরসি সংশ্লিষ্ট রপ্তানিকারক কর্তৃক রপ্তানির পরবর্তী ৩(তিন) মাসের মধ্যে বন্ড কমিশনারেটের সংশ্লিষ্ট বিভাগীয় কর্মকর্তার বরাবরে উপস্থাপন করতে হবে।

৬। কাঁচামালের অস্থায়ী আন্তঃ বন্ড স্থানান্তর (ইপিজেড-এর ক্ষেত্রে)

কাঁচামালের বন্ডিং মেয়াদ ও উৎপাদিতব্য পণ্যের রপ্তানির সময়সীমা থাকলে নিম্নবর্ণিত দলিলাদি দাখিলের পর তদন্তসাপেক্ষে অস্থায়ী আন্তঃ বন্ড স্থানান্তরের অনুমোদন দেয়া হবে :-

(ক) কি কারণে কাঁচামাল সাময়িক স্থানান্তরিত হবে তার বিস্তারিত বিবরণ সম্বলিত আবেদনপত্র;

(খ) কাঁচামাল স্থানান্তর বিষয়ে সংশ্লিষ্ট প্রতিষ্ঠানের মধ্যে সম্পাদিত চুক্তিনামা;

(গ) বেপজার অনুমোদনপত্র;

(ঘ) স্থানান্তরকারী বন্ড প্রতিষ্ঠান কর্তৃক কাঁচামাল স্থানান্তরকালে পণ্যের কোনরূপ ক্ষতি সাধন হলে তার দায় দায়িত্ব বহনের লক্ষ্যে যথাযথ মূল্যমানের নন-জুডিশিয়াল স্ট্যাম্প অঙ্গীকারনামা;

(ঙ) কাঁচামালের নমুনা; এবং

(চ) স্থানান্তর গ্রহণকারী প্রতিষ্ঠানের পণ্য উৎপাদনের ক্ষেত্রে বৈদেশিক মুদ্রার ঘোষণা (চার্জ প্রদানের), এলসি, প্রোফরমা ইনভয়েস।

৭। আমদানি পণ্য খালাসের অনাপত্তিপত্র (জেনারেল বন্ডের মেয়াদ না থাকলে)

(১) আমদানিকৃত পণ্য খালাসের লক্ষ্যে অনাপত্তিপত্রের প্রয়োজনীয়তা/কারণ উল্লেখপূর্বক বিভাগীয় কর্মকর্তা বরাবর নির্ধারিত কোর্ট ফিসহ আবেদন;

(২) লিয়েন ব্যাংক প্রত্যায়িত আমদানি এলসি, ব্যাক টু ব্যাক এলসির কপি; এবং

(৩) ইনভয়েস, প্যাকিং লিস্ট, বিএল/এয়ারওয়ে বিল/ট্রাক চালান এবং ইউডির কপি।

৮। ব্যাংক গ্যারান্টি অবমুক্তকরণ (প্রাচলন রপ্তানিকারকের ক্ষেত্রে)

(ক) ব্যাংক গ্যারান্টির ফটোকপি;

(খ) ইউপি এর কপি;

(গ) ডেলিভারী চালান, মূসক-১১ চালানের কপি (সংশ্লিষ্ট মূসক ইমপেক্টর কর্তৃক সত্যায়িত);

(ঘ) পিআরসি অথবা সংশ্লিষ্ট লিয়েন ব্যাংক কর্তৃক রপ্তানি নিশ্চিত এবং ভবিষ্যতে পিআরসি পাওয়া যাবে এ মর্মে প্রত্যয়নপত্র।

৯। ব্যাংক গ্যারান্টি অবমুক্তকরণ (সরাসরি রপ্তানিকারকের ক্ষেত্রে)

(ক) বিল অব এক্সপোর্ট, ইনভয়েস, প্যাকিং লিস্ট, বি/এল/এয়ারওয়ে বিল/ট্রাক চালানের কপি;

(খ) পাশ বইয়ের কপি (রপ্তানির অংশ);

(গ) পিআরসি (এডি ব্যাংক কর্তৃক সত্যায়িত);

(ঘ) ইজিএম (প্রযোজ্য ক্ষেত্রে কাস্টমস বন্ড কমিশনারেট সংগ্রহ করে নিবে)।

১০। নতুন ফরমেটে বন্ড লাইসেন্স জারীকরণ

(ক) যথাযথ মূল্যমানের স্ট্যাম্পযুক্ত ডাটা বেইজ ফরম পূরণপূর্বক আবেদন পত্র;

(খ) পুরাতন বন্ড লাইসেন্সের মূল কপি;

(গ) হালনাগাদ বাড়ী ভাড়া চুক্তিপত্র বা মালিকানা দলিলের ফটোকপি;

(ঘ) মূসক নিবন্ধন পত্রের ফটোকপি;

(ঙ) হালনাগাদ Bangladesh Customs Tariff Heading অনুযায়ী কাঁচামাল ও আনুষঙ্গিক দ্রব্যাদির বিবরণ ও এইচ এস কোড।

১১। লিয়েন ব্যাংক সংযোজন

(ক) সংযোজিতব্য লিয়েন ব্যাংকের সিআইবি এর উদ্ধৃতিসহ অনাপত্তি পত্র।

১২। লিয়েন ব্যাংক পরিবর্তন

(ক) বিদ্যমান লিয়েন ব্যাংক অথবা শাখা ব্যাংকের অনাপত্তিপত্র;

(খ) নতুন সংযোজিত লিয়েন ব্যাংকের সিআইবি এর উদ্ধৃতিসহ অনাপত্তি পত্র।

১৩। লিয়েন ব্যাংকের শাখা পরিবর্তন

(ক) ব্যাংক ও শাখার নাম উল্লেখপূর্বক আবেদন পত্র।

১৪। অফিস ঠিকানা পরিবর্তন

(ক) সংশ্লিষ্ট সমিতির সুপারিশ;

(খ) বাড়ী ভাড়ার চুক্তিপত্র অথবা নিজস্ব হলে ভবনের মালিকানার দলিল।

১৫। মেশিনারিজ স্থাপন/সংযোজন (প্রচ্ছন্ন রপ্তানিকারকের ক্ষেত্রে)

ক) আমদানিকৃত অথবা স্থানীয়ভাবে ত্রুণকৃত মেশিনারিজের আমদানি/ত্রুণ সংক্রান্ত দলিলাদি যথা: বি/ই, এলসি, ইনভয়েস, বিএল/এয়ারওয়ে বিল/ট্রাক চালান, মূসক চালান-১১ এর কপি;

খ) মেশিনারিজ স্থাপনের ঘোষণাপত্র;

গ) মেশিনারিজের ক্যাটালগ;

সুপারিনটেনডেন্ট পদমর্যাদার নিম্নে নন এমন কর্মকর্তা উল্লিখিত দলিলাদি যাচাই এবং কারখানা সরেজমিনে পরিদর্শনপূর্বক মেশিনারিজের উৎপাদন ক্ষমতা নির্ধারণপূর্বক এ সংক্রান্ত আদেশ/নির্দেশ অনুযায়ী সংশ্লিষ্ট বন্ড কর্মকর্তা ও সুপারিনটেনডেন্ট প্রতিবেদন দাখিল করবেন। প্রতিবেদন অনুযায়ী নতুন মেশিনারিজ বন্ড লাইসেন্সে অন্তর্ভুক্তির আদেশ দেয়া হবে এবং নতুন মেশিনের প্রাপ্যতা প্রদান করা হবে।

১৬ কারখানা সম্প্রসারণ

- (ক) সার্টিফাইড ইঞ্জিনিয়ার দ্বারা প্রণীত সংশোধিত নীল নকশা;
- (খ) কারখানা ভবনের চুক্তিপত্র অথবা মালিকানা দলিলের কপি;
- (গ) সমিতির সুপারিশ।

আবেদন পাওয়ার পর সরেজমিনে যাচাইয়ে কারখানা ভবন সঠিক পাওয়া গেলে তা অনুমোদন দেয়া হবে।

১৭। বন্ড লাইসেন্সে নতুন কাঁচামাল সংযোজন

বন্ড লাইসেন্সধারী প্রতিষ্ঠানের বন্ড লাইসেন্সে নতুন কাঁচামাল সংযোজন করতে চাইলে কোম্পানির প্যাডে কাঁচামালের নাম ও এইচ এস কোড উল্লেখপূর্বক বন্ড কমিশনারেটের সংশ্লিষ্ট বিভাগীয় কর্মকর্তা বরাবর আবেদন করতে হবে। প্রযোজ্য ক্ষেত্রে বন্ড অফিসার এবং সংশ্লিষ্ট সুপারিনটেনডেন্ট কর্তৃক উক্ত কাঁচামালের ব্যবহার সরেজমিনে যাচাইপূর্বক সুপারিশ করা হলে সে মোতাবেক কাঁচামাল বন্ড লাইসেন্সে অন্তর্ভুক্তির ব্যবস্থা নেয়া হবে।

১৮। ওভেন ও নীট কাপড় দ্বারা সেট তৈরী :

ওভেন/নীট/সুয়েটার প্রস্তুতকারক কর্তৃক আংশিক নীট/আংশিক ওভেন/আংশিক সুয়েটার এর পোশাক সংযুক্তিপূর্বক সেট তৈরী করে রপ্তানির ক্ষেত্রে নিম্নবর্ণিত দলিলসহ বিভাগীয় কর্মকর্তা বরাবর আবেদন করতে হবে।

- (ক) বিজিএমইএ/বিকেএমএ কর্তৃক এ বিষয়ে ইস্যুকৃত ইউডি এর কপি;
- (খ) সাব-কন্ট্রোল্টের দলিল অথবা চুক্তিনামা;
- (গ) ক্ষেত্র বিশেষে ঋণপত্রের কপি;
- (ঘ) প্রোফরমা ইনভয়েস (পিআই) অথবা ইনভয়েস; এবং
- (ঙ) প্রদত্ত সুবিধার যথাযথ ব্যবহার প্রতিষ্ঠিত করতে না পারলে যাবতীয় আইনগত দায়-দায়িত্ব পালনে বাধ্য থাকবে মর্মে যথাযথ মূল্যমানের নন-জুডিশিয়াল স্ট্যাম্প অংগীকারনামা প্রদান।

রপ্তানি কার্যক্রম সম্পন্ন হওয়ার পর রপ্তানি সংক্রান্ত দলিলাদি পর্যালোচনায় রপ্তানি প্রতিষ্ঠিত হলে অংগীকারনামাটি অবমুক্ত করা হবে।

১৯। নমুনা স্বাক্ষর

- (ক) সংশ্লিষ্ট প্রতিষ্ঠানের পরিচালনা পর্ষদের বোর্ড মিটিং এর সিদ্ধান্তের কপি;
(খ) যথাযথ মূল্যমানের স্ট্যাম্প স্বাক্ষরসহ আবেদন এবং প্রত্যয়ন।

২০। কাঁচামালের বন্ডিং মেয়াদ বৃদ্ধি

- ক) সমিতি কর্তৃক কাঁচামালের গুণগত মান সম্পর্কে সুপারিশ।

উক্ত সুপারিশ পাওয়ার পর বন্ড অফিসার সরেজমিনে পরিদর্শন করে কাঁচামালের মজুদ ও গুণাগুণ যাচাই করে এ দপ্তর থেকে জারীকৃত ফরম্যাট-এ প্রতিবেদন দিবেন। প্রতিবেদনের আলোকে মেয়াদ বৃদ্ধির আদেশ জারী করা হবে।

২১। বন্ড লাইসেন্স অটো-নবায়ন :

- ক) নবায়ন ফি বাবদ ৫,০০০/- (পাঁচ হাজার) টাকার ট্রেজারি চালান;
খ) বাড়ী ভাড়ার চুক্তিপত্র বা প্রযোজ্য ক্ষেত্রে কারখানার মালিকানা দলিল;
গ) আইআরসি/ইআরসি;
ঘ) ট্রেড লাইসেন্সের কপি;
ঙ) সমিতির সুপারিশ;

২২। বন্ডিং মেয়াদ উত্তীর্ণ কাপড়/সুতা সমন্বয় করণ

বন্ডিং মেয়াদ উত্তীর্ণ কাপড়/সুতা ব্যবহার করে রপ্তানির ক্ষেত্রে কাপড়/সুতার মেয়াদ বৃদ্ধি ও অডিটে সমন্বয়করণের জন্য নিম্নোক্ত দলিলপত্র দাখিল করতে হবে।

- ক) আমদানি সংক্রান্ত সকল দলিল;
খ) রপ্তানি সংক্রান্ত বিল অব এক্সপোর্ট, ইনভয়েস অথবা প্রোফরমা ইনভয়েস অথবা ইনডেন্ট, বিএল/এয়ার ওয়ে বিল/ট্রাক চালান, ইউডির কপি, পাশ বই, পিআরসি;
গ) সমিতির সুপারিশ।

২৩। এ আদেশের কোন বিষয় দি কাস্টমস এ্যাক্ট, ১৯৬৯ ও এর অধীনে প্রণীত বিধি-বিধান এবং উর্ধ্বতন কর্তৃপক্ষের আদেশের সঙ্গে অসংগতিপূর্ণ হলে এ্যাক্টের বিধান, সংশ্লিষ্ট বিধি এবং উর্ধ্বতন কর্তৃপক্ষের আদেশ কার্যকর হবে।

২৪। দি কাস্টমস এ্যাক্ট, ১৯৬৯ এর সেকশন ২১৯বি এর ক্ষমতাবলে এ আদেশ জারী করা হলো।

২৫। এ আদেশ অবিলম্বে কার্যকর হবে।

স্বাক্ষরিত/-
(ড. মারুফুল ইসলাম)
কমিশনার (চলতি দায়িত্ব)
ফোন-৯৩৪৭০০০।